

Prvi ljekar u Tuzli bio je dr. Mehmed Sami Šerbić koji je na dužnost postavljen 1874. godine. Prva žena ljekar u Tuzli i u Bosni, bila je Anna Bayerova, koja je u Tuzlu stigla u januaru 1892. godine.


Prema evidencijama „Bosanskog glasnika“ za 1899. godinu u Općinskoj bolnici u Donjoj Tuzli radio je kao općinski liječnik i ujedno direktor bolnice dr. Mehmed Sami Šerbić, a dr. Duller Johann je bio okružni liječnik, dr. Teodora Krajewska je bila ljekar i medicinski činovnik pri sanitetskom zavodu, dr. Ignaz Fischer je bio privatni liječnik. U 1903. godini pored već spomenutih ljekara navodi se i Jadwiga Olszewska i dr. Ignaz Pordes. Kotarski liječnik u Donjoj Tuzli 1905. godine bio je dr. Ljudevit Lichtscheindl, 1908. godine Rudnik uglja Kreka je zaposlio državnog ljekara, dr. Jozefa Limberskog, a 1909. godine spominje se ljekar dr. Aleksander Grinhut, ljekar pri sanitetskom zavodu.

Dolaskom austrougarske uprave u Bosnu i Hercegovinu stanje zdravstva se značajno mijenja. Osim izgradnje objekata za pružanje zdravstvenih usluga, kojima se jača institucionalni okvir zdravstvene zaštite, ulažu se veliki naponi i u obezbjeđenju zdravstvenog kadra koji pruža adekvatne zdravstvene usluge stanovništvu. Tako je 1879. godine u Bosni i Hercegovini bilo sedam ljekara, da bi njihov broj 1890. godine bio povećan na 29, a već 1911. godine na 132 ljekara (ljekari u državnoj službi, općinskim bolnicama, te pri željeznicama i u fabrikama), od čega su samo 4 liječnice, a ostalo ljekari.




Dr. Mehmed Sami Šerbić (1847-1918)
Prvi tuzlanski liječnik, radio u tuzlanskim bolnicama od 1874. do 1918. godine. (ATKT, FTG Z)

Tuzlanski ljekari



Zemaljska vlada za Bosnu i Hercegovinu je 1887. godine izgradila kuću za okružnog ljekara dr. Johana Dullera. (ABH, ZMF, Građevinsko odjeljenje)



1. Zemaljska bolnica u Sarajevu. Upravitelj Geza Kobler , dr. un. med., primarni liječnik, zemaljski zdravstveni savjetnik. I. Odjeljenje za unutrašnje bolesti: Geza Kobler , dr. un. med. (kao gore), načelnik. Bertold Haas , dr. un. med., asistent. Coloman Bodó , dr. un. med., sek. liječnik. II. Odjeljenje za kirurgiju: Josip Preindlsberger , dr. un. med., prim. liječnik, zemaljski zdravstveni savjetnik, načelnik. Makso Mader , dr. un. med., sek. liječnik. H. M. Chamaides , dr. un. med., sek. liječnik. III. Odjeljenje za kožne bolesti i sifilis: Leopold Glück , dr. un. med., prim. liječnik, zemaljski zdravstveni savjetnik, načelnik. Oskar Hildes , dr. un. med., asistent. Teophil Nieč , dr. un. med., sek. liječnik. IV. Odjeljenje za ženske bolesti i primaljstvo: Otto pl. Weiss , dr. un. med., docent na c. kr. svenč. u Beču, zemaljski zdravstveni savjetnik, prim. liječnik, načelnik. Julije Biberauer , dr. un. med., asistent. Ljubomir Ringel , dr. un. med., sek. liječnik. Prosektor Roman Wodynski , dr. un. med., zemaljski zdravstveni savjetnik. Bolnička apoteka: Makso Teich , provizor. Karlo Anderle , ap. asistent. Uprava bolnice: August Kamiński , upravnik. Gustav Czerny , pristav. Ivan Fössl , dod. rač. oficijal. Ivan Čokić , dod. pisar. oficijal. Karlo Böhm , dod. kancelista. Ivan Čoković , dod. kancelista.	2. Stanica za umobolnike u Sarajevu. (Vakufska bolnica.) Karlo Bayer , dr. un. med., zemaljski zdravstveni savjetnik, upravitelj. Teofil Koetschet , dr. un. med., sek. liječnik. Jovan Kemenović , dod. pis. oficijal, upravnik. 3. Kotarske bolnice: CAZIN. Vladislav Windakiewicz , dr. un. med., sreski liječnik I. r., upravitelj. GACKO. Rudolf Löwy , dr. un. med., sreski liječnik II. r., upravitelj. KLADANJ. Ivan Kudas , dr. un. med., sreski liječnik II. r., upravitelj. KOTOR-VAROŠ. Mark Bermann , dr. un. med., sreski liječnik II. r., upravitelj. LIVNO. Leop. Bauer , dr. un. med., sreski liječnik I. r., upravitelj. SREBRENICA. Josip Katz , dr. un. med., sreski liječnik II. r., upravitelj. VAREŠ. Otto Rostok , dr. un. med., sreski liječnik II. r., upravitelj. KLJUČ. Lovro Schönfeld , dr. un. med., sreski liječnik II. r., upravitelj. 4. Općinske bolnice. BANJALUKA. Igo Knotz , dr. un. med., općinski liječnik, upravitelj.	BIHAĆ. Hermann Körbel , dr. un. med., opć. liječnik, upravitelj. BJELINA. Jakob Kohut , dr. un. med., opć. liječnik, upravitelj. BRČKA. Antun Dokuzović , opć. liječnik, upravitelj. DERVENTA. Fr. El. Trammer , dr. un. med., opć. liječnik, upravitelj. FOČA. Bernhard Pollacsek , dr. un. med., sreski liječnik II. r., upravitelj. KONJICA. Ignjat Pordes , dr. un. med., sreski liječnik II. r., upravitelj. MOSTAR. Antun Fojarewicz , dr. un. med., opć. liječnik, upravitelj. PRIJEDOR. Julijan Gruszkiewicz , dr. un. med., opć. liječnik, upravitelj. TRAVNIK. Sigfried Schweiger , dr. un. med., opć. liječnik, upravitelj. TREBINJE. Jakov Sollner , dr. un. med., sreski liječnik I. r., upravitelj. D. TUZLA. Hadži Mehmed Sami ef. Šerbić , dr. med., opć. liječnik, upravitelj. VIŠEGRAD. Antun Jehlička , dr. un. med., sreski liječnik II. r., upravitelj. 5. Kupalište Ilidža blizu Sarajeva. Josip Grünfeld , dr. un. med., liječnik kupališta. Julije Pojman , pol. pristav I. r., nadzornik kupališta. Josip Mazár , zem. vrtlar.
---	---	--

Bošnjak, Kalendar za prostu 1897. godinu, Šematizam svijeh oblasti (popis angažovanih lica u Bosanskohercegovačkoj zemaljskoj upravi), str. 95.

Propis o penzionisanju bolničara u bosanskohercegovačkim bolnicama iz 1908. godine. (Glasnik zakona i naredaba za Bosnu i Hercegovinu od 26. juna 1908. godine)